

EZINEGONA
Nerea Cestona
Zestoa

Bizitzaren gurpilean,
bakardadearen itzaletan
iratzarri ezinik,
ilusioaren iruzurrean,
oinaze-oroitzapenetan.

Gerra da beti oinaze,
non ote da itxaropena?
Saminaren gatibu,
gezurrak irentsiz hortzimugan,
heriotzaren hurrengo geltokian.

Infernu berotik,
naturaren muga herdoilduak
leiho-ertzetik begiratzen ditut.
Orbaindu gabeko zauriak,
haizeak eramandako
hosto ihartuak dira,
egunen batean zuhaitz
gihartsuaren arropa
izan zirenak.